

امور تحریریه ایچون فؤاد بکه
وامور اداره ایچون آرتین افندی به
مراجعت اولنور.



مسلمه موافق آثار قبول اولنور.
درج اولنمیان اوراق اعاده اولماز.

مَعْلُومَات

اداره خاھسی باب عالی جاده سنده
۵۲ نوسرولی « شرکت مرتابه »
مطبعه سیدر.



استانبول ایچون سنه لکی مطبعه دن
آلفق شرطیله ۵۰ طشره لره پوسته
اجرتیله برابر ۶۰ غروشدور.

نسخه سی ۱ غروش

پنجشنبه کونلری نشر اولنور ادبی، فنی و صناعی غزته در

نسخه سی ۱ غروش



حسن ابتدا

حضور و وجدان ایلر بئون جهان هر آن
حضور خالق عرض درود بی پایان ،

که فیض فطرتی ایشار برله روح آسا
شو کائنات وجودی عدمدن ایتدی عیان .

تجلیات شمسویه نور عزتک
قضای نامتناهیده عرشلر تابان !

توحات بحاریه فیض رحمتک
حیات ایچنده بوزر کائنات خنده کمان !

کمال ذاته حیران جمیع موجودات ،
ایدر حضور جلالتده سجدهلر اکوان .

جناب خالق اعظم ، خدای عالم کیم
علو لطفه شمیر اک بسوک برهان .

هزار تصلیه روح بی ذیشان ،
که شرع ظاهریدر باعث نجات جهان .

او فیض یاک و مقدس ، او حسن لاهوتی ،
او قطب اشرف خلقت ، او رحمت رحمان !

— الله مهر نبوت ، دلنده عشق خدا ،
کوزنده شعله معنی ، سوزنده روح بیان —

جهانه کلدی ده آفاق مستنیر ایتدی ،
کوردندی صبح تجلیای عالم عرفان .

یایلدی ساحه غریبه بر تو ایمان ،
بوروندی برده تاریکه چهره خسران !

من الازل اکا حیران ایدی بئون انوار ،
الی الابد بئون ارواح اولور اکا حیران !

بی افخم عالم ، محمد مرسل ،
حبیب حق که ایدر ذاتی ثنا قرآن .

هزار ترضیه اصحاب و آله هردم ،
که فیض دین ایلله دنیایه ویردیلر عمران .

شعاع سیف جلالتلریله یارلادی خاک ،
او اتعاع ایلله دوزخلر اولدی عین جنان .

محمد امتک بیدشاری انلردر ،
جهانی جهد ایلله اصلاحه بولدیلر امکان .

بوکون او جهد ایلله ایلر جهان بخش حیات
ولی نعمت عالم ، خلیفه دوران .

نجوم دنبه ﴿عبدالحمید﴾ نانی کیم
ضیای شوکی فیض آور زهین وزمان .

وکیل فخر رسل ، جامع فضائل کل ،
فروغ چشم جهان ، نطل انور یزدان .

وجود دولته بخش ایلدی حیات نوین ،
ریاض ملکته ایتدی زلال علمی روان .

بزم حیاتک حامی ، مقدسیدر ،
بزی صیانت ایچوندن نه ایلسه فرمان .

شه علوم و معارف ، شه عدالت و حق ؛
ولی نعمت جسم و ولی نعمت جان .

زمان سلطنتده ظهور ایدن آثار
دهور سالفهیه هرجهتله غبطه رسان .

او شهریار هنر پرورک عنایتدر
ایدن بونسخه ناجیزده وجود احسان .

زمان سعد حمیدیه چقدی «معلومات»
اوعصرک اولسون آلهی ! کالنه شایان .

ایدر اورتبه تراید وظیفه خامه ،
نه رتبه عرض اولورسه وجیه شکران .

ابد نشین اوله یارب سریر شائنده ،
که نور علم اوله ملکنده تا ابد رخشان .